

ბაღდათის მუნიციპალიტეტის საკრებულოს

დადგენილება №34
2015 წლის 29 მაისი

ქ. ბაღდათი

ბაღდათის საპატო მოქალაქის წოდების მინიჭების წესის დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის მე-2 ნაწილის, 24-ე მუხლის პირველი ნაწილის „ა.დ“ ქვეპუნქტის და 54-ე მუხლის პირველი ნაწილის „ე.ზ“ ქვეპუნქტის შესაბამისად, ბაღდათის მუნიციპალიტეტის საკრებულო ადგენს:

მუხლი 1

დამტკიცდეს „ბაღდათის საპატო მოქალაქის“ წოდების მინიჭების წესი (თან ერთვის).

მუხლი 2

დადგენილება ამოქმედდეს გამოქვეყნებისთანავე.

ბაღდათის მუნიციპალიტეტის
საკრებულოს თავმჯდომარე

გრიგოლ მაჩიტაძე

„ბაღდათის საპატო მოქალაქის“ წოდების მინიჭების წესი

მუხლი 1. ზოგადი დებულებანი

- ეს წესი განსაზღვრავს „ბაღდათის საპატო მოქალაქის“ წოდების მინიჭების სამართლებრივ საკითხებსა და მათი განხილვის წესს.
- „ბაღდათის საპატო მოქალაქის“ წოდება შეიძლება მიენიჭოს როგორც საქართველოს მოქალაქეს, ასევე მსოფლიოს ნებისმიერი ქვეყნის სრულწლოვან მოქალაქეს, განურჩევლად ეროვნებისა, სოციალური ცენზისა, საზოგადოებრივ-პოლიტიკური შეხედულებებისა და რელიგიური აღმსარებლობისა, თუ მისი მოღვაწეობა და გაცხადებული იდეები მიმართული არ არის საქართველოში დამკვიდრებული კულტურული ტრადიციების, ზნეობრივ-ეთიკური ნორმებისა და სულიერი ცხოვრების წესის წინააღმდეგ.
- „ბაღდათის საპატო მოქალაქის“ წოდება ენიჭება პიროვნებას ბაღდათის მუნიციპალიტეტის წინაშე განსაკუთრებული ღვაწლისა და დამსახურებისათვის, საგანგებო ვითარებისას გაწეული უანგარო სამსახურისათვის, რომლის საქმიანობა და აქტიური ცხოვრებისეული პოზიცია სამაგალითოა ბაღდათელთა ყველა თაობისათვის.
- „ბაღდათის საპატო მოქალაქის“ წოდება დასტურია: ბაღდათის მუნიციპალიტეტის ეკონომიკის, განათლების, მეცნიერების, კულტურის, ხელოვნების, სპორტის, ჯანმრთელობის დაცვის, ბუნებათსარგებლობის და ეკოლოგიის, შემოქმედებითი, საზოგადოებრივი და სულიერი ცხოვრების განვითარების, აგრეთვე, ადამიანთა უფლებების და თავისუფლების, უანგარო სიქველის და სიმამაცის, პატივებისა და აღიარებისა.
- ბაღდათის საპატო მოქალაქის მინიჭება ხორციელდება პიროვნების თანხმობის შემთხვევაში.
- „ბაღდათის საპატო მოქალაქის“ წოდების ჩამორთმევა დაუშვებელია, გარდა განსაკუთრებული შემთხვევისა. პიროვნებას უფლება აქვს უარი თქვას ამ წოდებაზე და შესაბამისი განცხადებით მიმართოს მუნიციპალიტეტის გამგებელს, რომელიც უფლებამოსილია განიხილოს განცხადება და მიიღოს შესაბამისი გადაწყვეტილება.

მუხლი 2. „ბაღდათის საპატო მოქალაქის“ წოდების მისანიჭებლად კანდიდატურის წარმოდგენა

- „ბაღდათის საპატო მოქალაქის“ წოდების მისანიჭებლად კანდიდატურის წარმოდგენის უფლებამოსილება აქვს დადგენილი წესით რეგისტრირებულ:
 - საზოგადოებრივ, პროფესიულ და შემოქმედებით კავშირებსა და ორგანიზაციებს;
 - სპორტულ კავშირებს, გაერთიანებებსა და ფედერაციებს;



გ) ბაღდათის მუნიციპალიტეტის საკრებულოს.

2. „ბაღდათის საპატო მოქალაქის“ წოდების მისანიჭებლად კანდიდატურის წამოყენების უფლებამოსილი სუბიექტები კანდიდატურას წარუდგენენ ბაღდათის მუნიციპალიტეტის გამგეობის პატივების კომისიას, რასაც წერილობითი სახით თან უნდა დაერთოს:

ა) „ბაღდათის საპატო მოქალაქის“ წოდების მისანიჭებლად კანდიდატურის წამოყენების უფლებამოსილი ორგანიზაციის ან პირების რეკომენდაცია, სადაც უნდა წარმოჩინდეს საპატო მოქალაქის წოდებაზე წარდგენილი კანდიდატის ღვაწლი და დამსახურება;

ბ) ბიოგრაფიული და დემოგრაფიული მონაცემები;

გ) კანდიდატის ღირსების, ღვაწლისა და დამსახურების ამსახველი საზოგადოებისათვის უკვე ცნობილი და საპატო მოქალაქის წოდებაზე წარდგენის დღემდე უცნობი დოკუმენტური და სხვა სახის მასალები;

დ) საპატო მოქალაქის წოდებაზე წარდგენილი კანდიდატის პირადობის დამადასტურებელი დოკუმენტი, ორი ფოტოსურათი.

მუხლი 3. მუნიციპალიტეტის გამგეობის პატივების კომისია

1. „ბაღდათის საპატო მოქალაქის“ წოდებაზე დასახელებული კანდიდატის შესახებ ცნობების შეგუერებას და განხილვას აწარმოებს ბაღდათის მუნიციპალიტეტის გამგეობასთან არსებული პატივების კომისია, რომელსაც ბაღდათის მუნიციპალიტეტის გამგებელი ქმნის ინდივიდუალურ-სამართლებრივი აქტის საფუძველზე.

2. კომისიის მუშაობაში მონაწილეობის მისაღებად მოწვეული შეიძლება იქნას საზოგადოების, მასმედიის, არასამთავრობო ორგანიზაციების, პროფესიული კავშირების წარმომადგენლები.

მუხლი 4. პატივების კომისიაში კანდიდატურების განხილვა

1. პატივების კომისია:

ა) შეისწავლის საპატო მოქალაქის წოდებაზე წარდგენილი კანდიდატის ღირსების, ღვაწლისა და დამსახურების შესახებ ხელთარსებულ რეკომენდაციებს, რაიონის წინაშე განსაკუთრებული დამსახურების ამსახველ მასალებს;

ბ) გამოითხოვს და მოიპოვებს დამატებით ცნობებსა და ინფორმაციებს სახელმწიფო ორგანიზაციებიდან, დაწესებულებებიდან, ასევე სხვა ნებისმიერი იურიდიული და ფიზიკური პირებიდან, საქართველოს ზოგადი ადმინისტრაციული კოდექსის მე-3 თავით განსაზღვრული წესის შესაბამისად;

გ) სწავლობს კანდიდატურასთან დაკავშირებით შემოსულ განცხადებებს, სურვილებს, მოსაზრებებსა და წინადადებებს, ახდენს მათ შეგუერებას და რეკომენდაციას ამლევს გამგებელს კანდიდატურისათვის „ბაღდათის საპატო მოქალაქის წოდების“ მინიჭების ან უარის თქმის თაობაზე.

მუხლი 5. „ბაღდათის საპატო მოქალაქის“ წოდების მინიჭება

1. „ბაღდათის საპატო მოქალაქის“ წოდებას ანიჭებს, ბაღდათის მუნიციპალიტეტის გამგებელი, გამგეობასთან არსებული პატივების კომისიის რეკომენდაციის საფუძველზე.

2. „ბაღდათის საპატო მოქალაქის“ ამ წოდების მინიჭებისას გადაეცემა საპატო მოქალაქის მოწმობა (დიპლომი) და მედალი.

3. „ბაღდათის საპატო მოქალაქის“ წოდების მინიჭება, მოწმობის (დიპლომის) და მედლის გადაცემა ხდება დაწესებულ დღესასწაულზე „ბაღდათობის“ ზეიმზე ყოველწლიურად ან წელიწადის ნებისმიერ დროს ბაღდათის მუნიციპალიტეტის გამგებლის გადაწყვეტილებით.

4. ბაღდათის საპატო მოქალაქის წოდების მინიჭების დღეს, შეიძლება გადაეცეს ფასიანი საჩუქარი ან ფულადი ჯილდო.

5. მოქალაქეს, რომელსაც მიენიჭება საპატო მოქალაქის წოდება, შესაბამის მოწმობას (დიპლომს) და მედალს გადასცემს ბაღდათის მუნიციპალიტეტის გამგებელი ან მისი ნდობით აღჭურვილი პირი.

6. „ბაღდათის საპატო მოქალაქის“ სახელი შეიტანება გამოჩენილ ადამიანთა პატივების წიგნში (ასეთის არსებობის შემთხვევაში).



მუხლი 6. ბაღდათის საპატიო მოქალაქის უფლებები

1. „ბაღდათის საპატიო მოქალაქე ცხოვრებისა და მოღვაწეობის ადგილის მიუხედავად, სარგებლობს ყველა იმ სიკეთითა და შეღავათებით, რითაც სარგებლობენ ბაღდათში მცხოვრები მოქალაქეები.

2. „ბაღდათის საპატიო მოქალაქეს“ აქვს სრული უფლებამოსილება:

ა) გაერთიანდნენ და დამოუკიდებლად შექმნან ბაღდათის საპატიო მოქალაქეთა საზოგადოებრივი კოლეგიური ორგანო, რომელიც შეიმუშავებს მუნიციპალიტეტის სოციალურ-ეკონომიკური და კულტურული განვითარების წინადადებებსა და რეკომენდაციებს;

ბ) მონაწილეობა მიიღონ მუნიციპალიტეტის საპატიო სტუმრებთან შეხვედრებში, დიალოგებში, დისკუსიებში, მუნიციპალიტეტის საკეთილდღეო ღონისძიებების შემუშავებაში;

გ) ჩაერთონ ბაღდათის მუნიციპალიტეტის წარმომადგენლობით დელეგაციებში;

დ) მუნიციპალიტეტის საკრებულოსა და გამგეობის წინაშე დააყენონ საკითხი ნიჭიერი, უნარიანი და კეთილსინდისიერი ბაღდათლების თვითრეალიზაციისათვის ხელშემწყობი პირობების შექმნის თაობაზე.

მუხლი 7. „ბაღდათის საპატიო მოქალაქის“ წოდების მინიჭების წესში ცვლილებებისა და დამატებების შეტანა
„ბაღდათის საპატიო მოქალაქის“ წოდების მინიჭების წესში ცვლილებებისა და დამატებების შეტანა ხდება მუნიციპალიტეტის საკრებულოს დაგენილების საფუძველზე.

